

梅苑

下

卷八

八

梅苑卷第五

惜黃花

許冲元

鴈聲曉斷寒霄雲捲正一枝開風前看月下見花占千
花上香笑千香淺化工與最爭先裁翦誰把瑤林閑
拋江岬恁素英濃芳心細意何限不恨宮妝色不怨吹
羌管恨天遠恨春來晚

梅花令

孫光憲

數枝開與短牆平見雪萼紅跗相映引起離人邊塞情
簾外欲三更吹斷離愁月正明空聽隔江聲

望梅花

同前格

歐陽永叔

春草全無消息臘雪猶餘蹤跡越嶺寒枝香自折冷豔

奇芳堪惜何事壽陽無處覓吹入誰家羌笛

千秋歲

臘殘春近江上梅開粉一枝漏泄東君信壽陽妝面靚
姑射冰姿瑩似淺杏清香試與分明認 只恐霜侵破
又怕風吹損待折取還不忍莫將花上貌來點多情鬢
凝睇久行人立馬成遺恨

眼兒媚

早梅芳
一調缺

李德載

雪兒魂在水雲鄉猶憶學梅妝玻璃枝上體薰山麝色
帶飛霜 水邊竹外愁多少不斷俗人腸如何伴我黃
昏攜手步月斜廊

又

王侍郎

望之

凌寒低亞出牆枝孤瘦雪霜姿歲華已晚暗香幽豔自
與時違 化工放出江頭路沙水冷相宜東風自此別
開紅紫是處芳菲

又

前時同醉曲江濱初樣小梅春花殘人遠幾經風雨結
子青青 誰知別後無腸斷行盡水雲程修峰萬仞郵
亭息鞚獨對黃昏

相見歡

月明疎影林間水潺潺一點濃香十里渡關山 且莫
負好分付冷無眠只怕笛聲嗚咽到愁邊

擣練子

八梅

擣練子賦梅枝暖借東風次第吹自是百花留不住讓
教先發放春歸

擣練子賦梅芳柳綠桃紅謾點妝試問仙標橫竹外敢
同高節伴冰霜

擣練子賦梅紅玉體凝酥半醉中詩酒興來須要早忍
看紅雨落西東

擣練子賦梅香蕙魄蘭魂人再陽只為人間無着處借
他龍笛返仙鄉

擣練子賦梅英枝上商量細細生不是根株貪結子被
吹羌笛兩三聲

擣練子賦梅妝鏡裏佳人傅粉忙額子畫成終未是更

須插向鬢雲傍

擣練子賦梅音雲底江南樹樹深悵望故人千里遠故
將春色寄芳心

擣練子賦梅青休共檀梨取次爭葉底青青如豆小已
知金鼎待和羹

梅苑卷第五終

蘇東藏本丙戌九月
重刻于揚州博覽

梅苑卷第六

減蘭 十梅并序

李子正

竊以花雖多品梅最先春始因暖律之潛催正值
 冰澌之初泮前村雪裏已見一枝山上驛邊亂飄
 千片寄江南之春信與隴上之故人玉臉娉婷如
 壽陽之傅粉冰肌瑩徹逞姑射之仙姿不同桃李
 之繁枝自有雪霜之素質香欺青女冷耐霜娥月
 淺溪明動詩人之清興日斜煙暝感行客之幽懷
 偏宜淺蘂輕枝最好暗香疎影況是非常之標格
 別有一種之風情嫦娥好景難拚那更綵雲易散
 凭闌賞處已遍南枝兼北枝秉燭看時休問今日

與昨日且輟龍吟之三弄更停畫角之數聲庾嶺
將軍久思止渴傅巖元老專待和羹豈如凡卉之
嬌春長賴化工而結實又況風姿雨質曉色暮雲
日邊月下之妖嬈雪裏霜中之豔冶初開微綻欲
落驚飛取次芬芳無非奇絕錦囊佳句但能髣髴
芳姿皓齒清歌未盡形容雅態追惜花之餘恨舒
樂事之餘情試綴蕪詞編成短闋曲盡一時之景
聊資四座之歡女伴近前鼓子祇候

總題

梅梢香嫩雪裏開時春粉潤雨藥風枝暗與黃昏取次
宜日邊月下休問初開兼欲謝却最妖嬈不似群花

春正嬌

風

東風吹暖輕動枝頭嬌豔顫片成驚飛不似城南畫角
吹香英飄處定向壽陽妝閣去莫損柔柯今日清香
遠更多

雨

瀟瀟細雨雨歇芳菲猶淡圻密灑輕籠濕徧柔枝香更
濃瓊腮微膩疑是凝酥初點綴冷豔相宜不似梨花
帶雨時

雪

六花飛素飄入枝頭無覓處密綴輕堆只似香苞次第

開欄邊欲墜姑射山頭人半醉牆外低垂窺送佳人
粉再吹

月

寒蟾初滿正是枝頭開爛熳素質籠明多少風姿無限
情暗香疎影冰麝蕭蕭山驛靜淺蕊輕枝酒醒更闌
夢斷時

日

騰騰初照半折瓊苞還似笑莫近柔條只恐凝酥暖欲
消三竿已上點綴胭脂紅蕩漾剛道宜寒不似前村
雪裏看

曉

急催銀漏漸漸紗窗明欲透點檢花枝曉笛吹時幾片
飛淡煙初破髣髴夜來飛幾朵淺粉餘香晨起佳人
帶曉妝

晚

天寒欲暮別有一般姿媚處半載斜陽寶鑑微開試晚
妝淡煙輕處漸近黃昏香暗度休怕春寒秉燭重來
仔細看

早

陽和初布入萼春紅纔半露暖律潛催與占百花頭上
開香英微吐折贈一枝人已去楊柳貪眠不道春風
已暗傳

殘

香苞漸少滿地殘英寒不掃傳語東君分付南枝桃李
春東風吹暖南北枝頭開爛熳一任飄吹已占東風
第一枝

鷓鴣天

借問枝頭昨夜春已傳消息到柴門頻看秀色無多豔
拖得清香不見痕山矗矗水潏潏村南村北冷銷魂
人間不識春風面羞見瑤臺破月明

又

冷落人間晝掩門泠泠殘粉縠成紋幾枝疎影溪邊見
一拂清香馬上聞冰作質月爲魂蕭蕭細雨入黃昏

人間暫識東風信夢遶江南雲水村

又

誰折南枝傍小叢佳人丰色與梅同有花無葉真瀟灑
不問胭脂借淡紅應未許嫁春風天教雪月伴玲瓏
池塘疎影傷幽獨何似橫斜酒盞中

又

夢草池塘春意回巧傳消息是寒梅北枝休羨南枝暖
憑仗東風次第開酥點萼粉勻腮未攀已得好香來
西鄰且莫吹羌笛留待行春把酒杯

又

不怕微霜點玉肌恨無流水照冰姿與君着意從頭看

初見今年第一枝 人醉後雪晴時江南春色寄來遲
使君本是花前客莫怪殷勤爲賦詩

又

雪屋冰牀深閉門縞衣應笑織成紋雨中清淚無人見
月下幽香只自聞 長在眼遠銷魂玉奴那忍負東昏
偶然謫墜行雲去不入春風花柳村

又

小檻冬深未破梅孤枝清瘦耐風埃月中寂寞無人管
雪裏蕭疎近水栽 微雨過早春回陽和消息自天來
才根多謝東君力瓊蘂苞紅一夜開

又

春入江梅破晚寒凍枝驚鵲語聲乾離愁滿抱人誰問
病耳初聞心也寬 風細細露珊珊可堪驛使道漫漫
斜梢待得人來後簪向烏雲仔細看

又

孔處度

却月凌風度雪清何郎高詠照花明一枝弄碧傳幽信
半額塗黃拾晚榮 春思淡暗香輕江南雨冷若爲情
猶勝遠隔瀟湘水忽到窗前夢不成

又
蠟梅

別得東皇造化恩黛消鉛腿自天真恥隨庾嶺花爭白
疑是東籬菊返魂 風淡淡月盈盈麝煤沈馥動孤根
寒蟬冷蝶知何處惟有蜂房不待春

又 蠟梅

邵叔齊

不比江梅粉作花
天香肯作俗香誇
高懸蠟蓓蜂房密
徧掛金鐘鴈字斜
侵月影上窗紗
中央顏色自仙家
玉人插向烏雲畔
渾似靈犀正透芽

浣溪紗

王輔道

雪裏東風未過江
隴頭先折一枝芳
如今疎影照溪塘
北客乍驚無綠葉
東君應笑不紅妝
玉真愛着淡衣裳

又

毛澤氏

月樣嬋娟雪樣清
索強先占百花春
于中形外好精神
多病肌膚元自瘦
半妝殘粉不匀勻
十分渾似那人

人

又

水淨煙閑不染塵
小山斜臥幾枝春
夜寒香惹一溪雲
粉淡朱輕妝未了
十分孤迥好精神
為伊清瘦却愁人

又

孫仲益

弱骨輕肌不耐春
一枝江路玉梅新
巡簷索笑為何人
素影裴回波上月
醉香搖蕩竹間雲
酒醒人散夢仙村

又 尉困 觀梅

毛澤氏

曾向瑤臺月下逢
為誰回首矮牆東
春風吹酒褪腮紅

庚嶺殷勤通遠信梅家瀟灑有仙風晚香都在酒杯中

又

萼萼飛雲橫畫闌黃昏煙雨滿江干小梅香淺不禁寒樓上風輕簾不卷酒紅銷盡畫妝殘玉人斜撚一枝看

又

十月開花是子真小春分付與精神折來含露曉妝新暖意便從窗下見粉容何待鑑中勻宛然長似玉華清

又

梅粉初嬌擬嫩腮一枝春信臘前開玉英殊顆傍妝臺明月泛將疎影去暗香疑是那兒來消魂獨立空堦

又 初春泛舟時北山積雪盈尺而水南梅盛開

毛澤氏

水北煙寒雪似梅水南梅鬧雪千堆月明南北兩瑤臺雲近恰如天上坐魂清疑向北邊來梅花多處載春回

又 茶梅

翦碎紅孃舞舊衣漢宮妝粉滿瓊枝東風來晚未曾知顏色不同香小異瑤臺春近宴回時寶燈相引素娥歸

又蠟梅

梅與為名蠟與容寒枝徧綴小金鐘插時只恐鬢邊鏤
疑是佳人燠麝月起來風味入懷濃暗香依舊月朦
朧

又蠟梅

梅與稱名蠟與黃枝無裊娜色無光掩檀欺麝冠群芳
結處定緣蜂力就開時微帶蜜脾香風標不減壽陽
妝

太常引

行雲蹤迹杳無期梅梢上又春歸不道久別離這一度
清香為誰 多情囑付庾樓羌管憑仗且休吹留取兩

三枝待和淚封將寄伊

又

江梅開似藥珠宮報桃李又春風驀岫看前峰待摘取
橫斜盞中 魏林楚嶺素妝清絕不與眾芳同和月映
簾櫳羨幾點施朱太紅

小重山

竹裏清香簾影門一枝照水弄精神樓頭橫管罷龍吟
休三弄留為與調羹 紫陌與青門溪邊浮動處絕纖
塵等閑休付壽陽人瀟灑處月淡又黃昏

又

不是蛾兒不是酥化工應道也難摹花兒清瘦影兒孤

多情處時有暗香浮 試問玉肌膚夜來雪霜重怕寒
無一枝欲寄洞庭妹可惜許只有鴈銜蘆

又

天際春來都爲君依稀丹萼動波紅雲惱人天氣近黃
昏霜月底山麝鬪微薰 標格自天真壽陽仙骨瘦玉
無紋芳容臨鑑洗餘醺雙蛾穩花面兩難分

西地錦

不與群花相續獨占春光速幽香遠遠散西東惟竹籬
茅屋 羌管誰調一曲送月夜猶芬馥忍君折取向玉
堂只這些清福

又

嶺上初消殘雪有梅花先折東君造化多成翠巧風韻
奇絕 小院黃昏時節暗香浮疎影橫斜寄取和羹未
晚却免教攀折

踏歌

帶雪向南枝一朵紅梅折許多時甚處收香白占千葩
百卉先春色擬瑩潔正廣寒宮殿人窺隔銷魂處畫角
數聲徹 暗香浮動黃昏月最瀟灑處最奇絕孤標迥
不與群芳列吟賞竟連宵痛飲無休歇輸有心牧童偷
折

感皇恩

翦玉蹙花苞臘寒時候間竹橫溪自清瘦黃昏時候拂

拂暗香微透壽陽妝面恨眉頻鬪 堪賞占斷三春先
手不是東君意偏有百花羞盡故教孤芳獨秀只愁明
月夜笛聲奏

枕屏兒

江國春來留得素英肯住月籠香風弄粉詩人盡許酥
藥嫩檀心小不禁風雨須東君與他做主 繁杏天桃
顏色淺深難駐奈芳容全不稱冰姿伴侶水亭邊山驛
畔一枝風措十分似那人淡竚

憶秦娥

房舜卿

與君別相思一夜梅花發梅花發淒涼南浦斷橋斜月
盈盈微步凌波襪東風笑倚天涯闊天涯闊一聲羌

管暮雲愁絕

又

瑤臺月寒光零亂蒙香雪蒙香雪橫枝疎影動人清徹
分明姑射神仙骨冰姿雪裏難埋沒難埋沒百花頭
上為春先發

望江南

梅花好滿樹錦江邊不似武陵曾見日清香冷豔撲尊
前銷得醉留連 憑造化分付與花權已共雪光爭臘
早且將春信為君傳桃李莫誇先

又

梅花好依約透春光記得佳人初睡起巧臨鸞鑑試新

梅苑卷六
妝粉面鬪瓊芳 江亭上遶樹嗅清香擬把一枝傳信
去不知何處是蘭房獨自暗淒涼

品令

山重雲起斷橋外池塘水曉來風定竹枝相亞殘陽影
裏多少風流都在冷香疎藥 江南千里問折得誰能
寄幾番歸去酒醒月滿闌干十二且隱深溪免笑等閑
桃李

又

一陽生暖見庾嶺梅初綻瓊枝玉樹渾如傅粉壽陽妝
面疎影橫斜隱隱月溪清淺 前村雪裏向雪裏真難
辨倩誰說與高樓人道休吹羌管且與從容來歲和羹

未晚

又

雪花飛墜有人報江南意博山爐畔硯屏風裏銅槃寒
水賦得幽香疎淡數枝相倚 絳膚黃藥令一種高標
致笛中芳信嶺頭春色不傳紅紫寂寞閑亭月下夜闌
影碎

相思引

笑盈盈香噴噴姑射仙人風韻天與肌膚常素嫩玉面
猶嫌粉 斜倚小樓凝遠信多少往來人恨只恐乘雲
春雨因迤邐嬌容褪

又

半苞紅微露粉瀟灑早梅猶嫩香入夢魂殘酒醒芳意
相牽引 不畏曉霜侵手冷欲折一枝芳信折得却無
人寄問爭信相思損

好女兒

戎州賞梅

山谷道人

小院一枝梅衝破曉寒開偶到張園游戲露袖帶香回
玉酒覆銀杯盡歸去猶待重來東鄰何事驚吹怨笛
雪片成堆

慶金枝

新春入舊年綻梅萼一枝先隴頭人待信音傳算楚岸
未香殘 小枕風雪凭闌干下簾幙護輕寒年華永占
入芳筵付尊前漸成歡

梅苑卷第六終

橫窗藏本丙戌九月
墨形于揚以博覽

梅苑卷第七

菩薩蠻

晁次膺

百花未報芳菲信一枝探得春風近只與雪爭光更無
花比香孤標天付與冷豔誰能顧庭院好深藏莫教
開路傍

又

天威亂糝瓊蕤密一光吞盡千山碧梅與雪爭妍孤香
風暗傳玉骨從來瘦不奈春傷慙羌管一聲殘水鄉
生暮寒

又

黃昏月暗清溪色簾垂小閣霜華白一夜玉玲瓏橫斜

水月中 小行孤影動生怕驚花夢半夜得春歸屏山人未歸

又 空定寺賞梅

毛澤氏

含章簷下眉如月融酥和粉描疎雪桃杏莫爭春凌風臺畔人 如今千萬樹零落孤村雨和淚滴瑤觴歸時肌肉香

又 回文

嶠南江淺紅梅小小梅紅淺江南嶠窺我向疎籬籬疎向我窺 老人行即到到即行人老離別惜殘枝枝殘惜別離

又 雙松菴月下賞梅

李方叔

城陰猶有松間雪松間暗淡城頭月月下幾枝梅為誰今夜開 尊前簪素髮自擁繁枝折疑是在瑤臺寶燈攜手來

又

江南未雪梅先白憶梅人是江南客猶記舊相逢淡煙微月中 春風長有信消息歸來近懷遠上樓時晚雲和鴈低

又

霜天不管青山瘦輕雲淺拂修眉皺煙樹隔瀟湘隔帆吹異香 影殘春恨小淡墨欹斜倒無處着消愁笛寒人倚樓

又題梅扇

周志機

梅花韻似才人面為伊寫在春風扇人面似花妍花應不解言在手微風動勾引相思夢莫用插醅醖醅醖羞見伊

又蠟梅

李士舉

薰沈刻蠟工夫巧蜜脾鎖碎金鐘小別是一般香解教人斷腸冰霜相與瘦清在江梅否念我忍寒來憐君特地開

木蘭花

十梅未開

莫少虛

一枝和露珍珠貫月下回來尋幾遍今朝忽見數枝開未有十分如待伴新妝不比徐妃面雪豔冰姿寒欲

顫外邊多少掃春人春信莫教容易斷

晨景

梅邊曉景清無比林下詩人呵凍指玉龍留住麝臍煙銀漏滴殘龍腦水晨光漸漸收寒氣昨夜遺簪猶在地好生折贈鏡中人只恐綠窗慵未起

雪裏

清姿自是生寒瘦更在春前并臘後誰教六出巧遮藏爭似一番先透漏謝娘莫把翻衣袖無限瓊英飄玉鬢開時朵朵見天真可奈碧溪和粉溜

晴天

寒稍雨裏愁無那林下開時宜數過夕陽恰似過清溪

一樹橫斜疎影臥 朱唇莫比桃花破
鬢裏黃金花欲墮
墮看春雪滿空來
觸處是花尋那箇

風前

尋梅莫背東風路
路在花前知去處
真香破鼻驀然聞
試問幽事知幾步
多情更被無寒助
萬物枯時神物護
一枝和雪倚闌干
昨夜初開春信度

月下

暗香浮動黃昏後
更是月明如白晝
看來都坐玉壺冰
折贈徐妃丹桂手
賞酬風景無過酒
對影成三誰左右
勸君攜取董妖嬈
拱得醉翁香滿袖

雨中

花時人道多風雨
梅藥都來無幾許
何須飄灑濕芳心
粉面琳琅如淚注
家童莫掃花陰土
留浥瓊林枝上露
若教燕子早銜泥
徑裏餘香應滿戶

欲謝

眼前欲盡情何限
風外南枝無一半
東君何事莫教開
及至如今都不管
高樓三弄休吹趲
一片驚人腸欲斷
杏花開後莫嫌衰
如豆青時君細看

望梅

少陵長被花爲惱
況是梅花非草草
臨岐爭奈不吟詩
此度詩人宜可老
詩成莫惜尊壘倒
不醉花前花解笑
醒時分付兩三枝
酒後憶君清夢到

南鄉子

大卿榮諱

江上野梅芳粉色盈盈照路傍
閑折一枝和雪嗅思量
似箇人人玉體香
特地起愁腸
此恨誰人與寄將
山館寂寥天欲暮
淒涼人轉迢迢路轉長

又

梅蕊露鮮妍雪態冰姿巧
耐寒南北枝頭香不斷
堪觀露浥瓊苞粉未乾
盡手寫應難
橫管休吹恐易殘
留得佳人臨曉際
凭欄試把新妝比竝香

又

把酒對江梅箇是花中第一枝
冰雪肌膚瀟灑態須知
姑射仙人正似伊
東閣賦新詩
慙愧當年杜拾遺
月裏何人橫玉笛
休吹正是芳稍着子時

又

蘇東坡

寒雀滿疎籬爭抱寒柯看玉蕤
忽見客來花下坐驚飛
踏散芳英落酒卮
痛飲又能詩
坐客無羶醉不知
花謝酒闌春到也
離離一點微酸已着枝

又

莫作俗花看珠有清香雪太寒
擬把千鍾酬國豔林間
醉倒猶嫌酒量慳
欲去更重攀
送盡斜陽未忍還
爭得重城休上鎖
留連借取冰輪照玉顏

又

醉撚一枝春此意誰人會
得君嫩白輕紅纔入手
盈盈

一似前時酒半醺 心眼兩相親絕代風流惱殺人粉
蝶霜禽休悵望叮嚀只要揚州作主盟

又

欄檻對幽堂翠葉枝頭萬朶霜檀口乍開龍麝噴非常
體勝佳人異骨香 花與月爭光偏引蜂兒戲遶牆不
與群英爭豔麗芬芳溪落東君只淡妝

又

凜冽苦寒時萬木凋枯力漸衰昨夜前村深雪裏春回
庾嶺南枝綻早梅 映月與清輝驛使加鞭喜探迴風
送馨香來小院芳時料想群花尚未知

又 催梅

把酒祝江梅春到南枝早早開人在隴頭凝望久裴回
驛使如今尚未來 寄語莫相催直待東風細翦裁只
恐未能傳信息妝臺先要飛來襯粉腮

憂金釵

梅蘂破初寒春來何太早輕傅粉向人先笑比竝年時
較些少愁底事十分清瘦了 影靜野塘空香寒霜月
曉風韻減酒醒花老可殺多情要人道疎竹外一枝斜
更好

又

園林已有春消息尋待嶺頭梅一枝清淡疎疎帶雪昨
夜初開 芳心幾點東風多少先爲傳來不隨紅紫紛

紛鬧鬧蝶妒蜂猜

一斛珠

寒冰初泮嶺頭一朵香苞綻
菡萏如畫真堪羨
休逞隨風柳絮垂金線
月宮每嫖開較曉
壽陽又喜勻妝面
更聞何處鳴羌管
一曲一聲惹起神撩亂

解珮令

或作許冲元

蕙蘭無韻桃李堪掃都不數
凡花閑草對月臨風長是
伊故來相惱和魂夢披他香到
江頭隴畔爭先占早
一枝枝看來總好似恁風標
待發願春前祈禱祝東君
放教不老

醉花陰

趙女獻梅

舒信道

月幌風簾香一陣正千山雪盡冷
對酒尊傍無語含情
別是江南信壽陽妝罷人微困
更玉釵斜襯插一枝
歸只恐風流羞上潘郎鬢

又

粉妝一捻和香聚教露華休妒
今日在尊前只爲情多
脈脈都無語西湖雪過留難住
指廣寒歸去去後又
明年人在江南夢到花開處

又

霓裳淺豔來何處不是閑雲雨
雪苑舊精神燕席吟窗
昨夜生輕素瓊珊豈是東風妒
惜暗香分付香在玉
清宮不惹年華只帶春寒去

掃地舞

酥點萼玉碾萼點時碾時香雪薄才折得春方弱半掩
朱扉垂繡幕怕吹落 撚一餉嗅一餉撚時嗅時宿酒
忘春爭上不忍放待對菱花斜插向寶釵上

玉樓人

去年尋處曾持酒還是向南枝見後宜霜宜雪精神沒
些兒風味減舊 先春似與群芳鬪暗度香不待頻嗅
有人笑折歸來玉纖長儘露羅袖

燕歸梁

月裏雲裝冷豔裁獨秀在巖隈雪中昨夜一枝開探春
色歲前來 清香折得多情寄與人向隴頭回憑君移

取近瑤臺伴桃李日邊栽

憶人人

密傳春信微妝曉景淡竚香苞欲綻臨風雖未吐芳心
奈暗露盈盈粉面 何人月下 一聲長笛即是飛英凌
亂憑闌無惜賞芳姿更莫待傾筐已滿

又

前村深雪難尋幽豔無奈清香漏綻煙梢霜萼出牆時
似暗妒壽陽妝面 幽香浮動無緣攀賞但只心勞魂
亂不辭他日醉瓊姿又只恐陰成子滿

採桑子

花中獨占春風早長愛江梅香豔清杯芳意先愁調角

催 尋香已落閑人後此恨難裁更曉須來却恐初開
勝未開

又

何文縝

百花叢裏花君子取信東君取信東君名策花中第一
勛 結成寶鼎和羹味多謝東君多謝東君香遍還應
號令春

又

陽和欲報春來也先上南枝桃李休疑折徧香梢人未
知 黃昏小院誰攀折疎影斜欹半掩朱扉旋嗅清香
月下歸

又

江南春信梅先賦休道春遲映竹開時姑射仙人雪作
肌 青樓且莫吹羌管留勸金卮折取高枝香滿名園
蝶未知

又

南枝淡泞無妖豔蠟蘂羞黃爭似紅妝不假施朱弄曉
光 雪融日暖瓊肌膩酒暈生香桃臉相當尤笑桃花
混衆芳

又

幽芳瑩白前村裏豈藉春工勝盡群紅瓊撚凝酥向不
同 一聲羌管愁人處片片西東覩此遺蹤不怨狂風
怨馬融

又

肌膚綽約真仙子來伴冰霜洗盡鉛黃淨面初無一點
妝尋花不用吹銀燭暗裏聞香零落池塘分付餘妍
與壽陽

又

東君有意觀群卉故放爭先帶露含煙對月偏宜映水
邊瓊苞素蕊胭脂淡雪後風前堪賞堪憐曾與歌樓
佐管弦

又

群芳盡老園林燼獨有寒梅探得春回昨夜前村一朶
開輕盈雪裏孤根秀棄臉香腮羌管休催留取瓊葩

佐酒杯

又

霜風漏泄春消息折破孤芳野興徬徨姑射神仙觸處
藏新妝不假施朱粉雪月交光欲贈東皇冷淡龍涎
點點香

又

煙籠淡月寒宵永悄悄簾櫳微度香風幾點梅開小院
中擁衾欹枕難成寐蕭寺初鐘鴈響遙空家在青山
千萬重

又再雪中

飛瓊欲赴瑤臺宴先具威儀雲駕霓衣從者皆騎白鳳

飛 人間盡變為銀海此景偏奇姑射冰姿昨夜前村
見一枝

又 蠟梅

鎔金脫得花鈿小點綴瓊枝月淡風微露浥香肌自是
奇 玉人呵手昂頭翦纖鬢邊垂似簇蜂兒春入芳容
不肯飛

尋梅

今年早覺花信蹉想芳心未應悞我一日小徑幾回過
始朝來尋見雪痕微破 眼前大抵情無那好景色只
消些箇春風爛熳都且可是而今枝上一朶兩朶

又

幽香淺淺濕未透認雪底思來始有翦裁尚覺瓊瑤皴
苦寒中越恁骨清肌瘦 東風氣象園林舊又今年而
今時候急宜小摘當尊酒選一枝且付玉人纖手

鞋紅

粉香尤嫩衾寒可慣怎奈向春心已轉玉容別是一般
閑婉悄不管桃紅香淺 月影簾櫳金瓊波面漸細細
香風滿院一枝折寄故人雖遠輒莫使江南信斷

武林春

昨夜前村深雪裏春信為誰傳風送清香滿座間不用
熱沈檀 竹外一枝斜更好偏稱玉人攀休放游蜂去
又還嫌怕損芳顏

菩薩蠻

趙德麟

春風試手梅先藥
冰姿冷豔明沙水
不受眾芽知
端須月與期
清香閑自遠
先向釵頭見
雪後宴瑤池
人間第一枝

梅苑卷第七終

蘇東藏本丙戌九月
重刻于揚州博覽

梅苑卷第八

瑞鷓鴣

臨鸞常恁整妝梅
枝枝仙豔月中開
可殺天心故與多
端麗那更羅衣峭
窄裁幾回瞻覩魂
消黯芙蓉勻透
雙腮好將心事都
分付與時暫到小
庭來玉砌紅芳點
綠苔

又

柳耆卿

天將奇豔與寒梅
乍驚繁杏臘前開
暗想花神巧作江
南信解染胭脂細
翦裁壽陽妝罷無
端飲凌晨酒入
香腮恨聽煙鴻深
中誰恁吹羌管逐
風來瑞雪紛紛落
翠苔

又

晏丞相

江南殘臘欲歸時有梅紅亞雪中枝一夜前村聞道瑤
英折端的干花冷未知丹青改樣勻朱粉雕梁欲畫
難疑何妨與向冬深密種秦人路夾仙浮不待天桃客
自迷

又

越娥紅淚染朝雲越梅從此學妖煩臘月初開庾嶺繁
開後時染妍華贈世人前村昨夜深深雪朱顏不及
天真何時驛使西來寄與相思客一枝新報道江南別
樣春

又

林逋詩句

眾芳搖落獨鮮妍占盡風情向小園疎影橫斜水清淺
暗香浮動月黃昏寒禽欲下先偷眼粉蝶如知合斷
魂幸有微吟可相狎不須檀板共金尊

又
岸梅

崔魯詩句

含情含態一枝枝斜壓漁家短短籬惹袖尚餘香半日
向人如訴雨多時初開偏稱雕梁畫未落先愁玉笛
吹行客見時無意去解帆煙浦為題詩

又

周忘機

一痕月色掛簾櫳梅影斜斜小院中狂醉有心窺粉面
夢魂無處避香風愁來夢楚三千里人在巫山十二
重咫尺藍橋無處問玉簫聲斷楚山空

又蠟梅

漢宮鉛粉淨無痕
蠟點寒梢水畔村
愁犯冰霜欺竹柏
肯同雲月弔蘭蓀
騷人詠去清詩健
驛使傳來舊興存
病眼渾疑春思早
一枝聊洗畫圖昏

又蠟點梅花

柳未回青蘭未芽
誰知此物在君家
綠窗借得先春手
黃蠟吹成耐凍花
衣麝暗薰香髻髩
山蜂誤認影橫斜
斜憑君說與徐熙道
翰墨從今不足誇

一落索

臘後東風微透越梅時候
一枝芳信到江南
來報先春秀
宿醉頻拈輕嗅
堪醒殘酒
笛聲容易莫相催
留待

纖纖手

鬢邊華

小梅香細豔淺過楚岬
尊前偶見愛閑淡
天與精神掠青鬢
開人醉眼
如今拋擲經春恨
不見芳枝寄遠向
心上誰解相思
賴長對妝樓粉面

御堦行

平生有箇風流願
願長與梅爲伴
問伊因甚破寒來
只恐百花先綻
比蘭比麝比酥
比玉休恁閑撩亂
瑤臺月下分明見
依舊殘妝淺
不知分得幾多香
一片清如一片直
須遮斷恐人眼
毒不解輕輕看

西江月

蘇東坡

玉骨那愁瘴霧冰肌自有仙風海仙時遣探芳叢倒掛
綠毛么鳳 素面常嫌粉污洗妝不褪唇紅高情已墜
曉雲空不與梨花同夢

又 紅梅

王介父

梅好惟嫌淡竚天教薄與胭脂真妃初出華清池酒入
瓊姬半醉 東閣詩情易動高樓玉管休吹北人渾作
杏花疑惟有青枝不似

又

杜安道

曉鏡初妝玉粉輕風暗遞幽香閑隨月影到寒塘忘却
人間天上 雪意空驚春意孤芳已斷年芳從教驛使
為伊忙乞箇壽陽宮樣

又

北嶺天饒瑞雪南枝地段紅苞朦朧霽月映寒梢誰把
玉人紗罩 香勝爐薰龍麝奇過庭擁瓊瑤一杯清酒
願相招慰我茅堂清瘦

又 墨梅

洪覺範

入骨風流國色透塵往往真香為誰風鬢浣啼妝半樹
水村春暗 雪壓枝低籬落月高影動池塘高情數筆
寄微茫小寢初開霧帳

又

翡翠枝頭晚萼嬋娟月裏飄香春蘭秋蕙作尋常不與
天桃朋黨 笑見深紅淺白從教蝶舞蜂忙風流標致

道家妝瀟灑得來別樣

又蠟梅

黃蠟誰將點綴紅膏不許施妝孤根來自水雲鄉風味
天然醞釀看取玉奴呵子摘來珠露霑裳翠鬟斜插
一枝香似簇蜂兒頭上

又

萬木經霜凍折孤根獨報春來前村雪裏一枝開將緩
月華光彩一點唇紅不褪妝如傅粉皚皚和羹端的
稟天才終日庖人鼎鼐

蝶戀花

晏丞相

千葉梅花誇百媚笑面凌寒內樣妝先試月臉冰肌香

細膩風前偏稱東君意

一捻年光春有味江北江南

更有誰相似橫玉聲中吹滿地好枝長恨無人寄

又別席探題

舒信道

雪後江城紅日晚暖入香梢漸覺玲瓏滿鬢鬢是臨風
妝半面水簾斜捲誰庭院折向樽前仔細看便是江
南寄我人還遠手把北枝多少怨小樓橫笛休腸斷

又寒秀亭觀梅

毛澤氏

想見江南情不少爾許多時怪得無消耗淡日暖雲勾
引到闌干寂寞憐春小宮面可吹勻畫了粉瘦酥寒
一段天真好喚起玉兒嬌睡覺半窗殘月南枝曉

又

石耆翁

半夜六龍飛海嶠
滉漾鰲波露出珊瑚小
玉粉枝頭春意早
東風未綠瀛洲草
姑射仙人真窈窕
淨練明妝如伴商巖老
夢入水雲閑縹緲
一樓明月千山曉

又

暖發黃宮和氣軟
雪裏精神巧惜東君翦
嫩藥商量春色淺
青枝疑是香酥濺
誰道和羹芳信遠
點點微酸已向枝頭見
休待玉英飛四散
且移疎影橫金盞

又

青玉枝頭紅蕾吐
粉頰愁寒濃與胭脂傳
辨杏猜桃早莫誤天姿
不到風流處
雲破月來花上住
要共佳人弄影參差舞
只有暗香穿繡戶
韶華一曲驚飛去

又
蠟梅

王履道

翦蠟成梅無着意
黃色儂儂對萼勻
妝綴百和薰肌香
旖旎仙裳應灑薔薇水
雪徑相逢人半醉
手折低枝擁結雲爭翠
蘊撚枝無眼思
玉真未灑梨花淚

又
墨梅

碧瓦籠晴香霧遶
呵手西偏小駐聞啼鳥
風度女牆吹語笑
南枝破臘應開了
道骨不凡瘴江曉
春色通靈醫得花重少
抱暖釀寒春杳杳
一聲畫角光殘照

桃源憶故人

園林萬木凋零盡
惟是寒梅香噴不許雪霜欺
損迥有天然性
南枝漸吐紅苞嫩
冠絕天桃繁杏不記故人

音信對景成離恨

又

王逸民

劉郎自是桃花主不許春風困度春色易隨風去片片
傷春暮返魂不用清香注却有玉梅淡竚從此鎮長
相顧不怨飄殘雨

又

江天雪意雲飛重却倚闌干初凍回傍小樓獨擁盡日
無人共牆梅未落春先縱欲寄一枝誰送月夜暗香
浮動侶作離人夢

又蠟梅

南枝向暖清香噴誰付騷人詞詠一種隴頭春信不借

胭脂暈梢頭誰把輕黃搵渾似不忺施粉疑是壽陽
孤冷染得相思病

又

寒苞初吐黃金瑩色染薔薇猶嫩枝上紫檀香噴灑落
饒風韻南枝一種同春信何事不忺朱粉自稱霓裳
孤冷怨感宮腰恨

添字浣溪紗

白梅

雪態冰姿好似伊料應嘗笑水仙遲驛使初傳芳信早
賞佳期暗想花神多巧妙黏酥綴玉壓纖枝粉面臨
鸞宜月殿整妝時

又紅梅

誰染深林酥綴來意濃含笑顏開誤認浣溪人飲罷
上香腮 辨杏疑桃稱好句名園色異占多才折得一
枝斜插鬢墜金釵

又重

取次勻妝玉有痕參差玉軟淡精神姑射重綃風捲亂
喜相迎 蝶戲飛層雙翅重清中富貴最多情全似壽
陽當日事點殘英

又蠟梅

蜜室蜂房別有香臘前偏會洩春光凝竚清容何所似
笑姚黃 蠟汪金鐘誠得意風飄氣味壓群芳不似壽
陽誇粉面道家妝

獨脚令

莫少虛

絳唇初點粉紅新鳳鏡臨妝已逼真苒苒釵頭香趁人
惜芳晨玉骨冰姿別是春

又

史遠道

牆頭梅蘂一枝新宋玉東鄰算未真折與冰姿綽約人
怯霜晨桃李紛紛不當春

玉交枝

膽樣瓶兒幾點春翦來猶帶水雲痕且移孤冷相伴最
深尊 每為惜花無曉夜教人甚處不銷魂為君惆悵
獨自倚黃昏

又

房舜卿

蕙死蘭枯待返魂暗香梅上又重聞粉妝額子多少畫
難真 竹外冰清斜倒影江頭雪裏暗藏春千鍾玉酒
休更待飄零

又 蠟梅

蕙子蘭孫小樣兒化工簇就寄南枝笑他蘭蕙雖韻帶
輕肥 香靄紫檀和霧重色攢黃蠟界金徽有人瀟灑
插向鬢邊宜

又

誰道花房採蜜脾翦成黃蠟小花兒惡嫌朱粉不肯肖
青枝 檀吐暗香蘭許韻月移芳影雪生肌不妨花藥
羌笛儘教吹

玉樓春

空定寺
賞梅

毛澤氏

藥珠宮裏三千女摘粉爲春塵不住月華冷處欲迎人
七里香風先滿路 一枝誰寄南安去想得韶光能幾
許醉翁滿眼玉玲瓏直到煙空雲盡處

又

迢遞前村深雪裏望斷行雲香細細笛中宮裏慕芳姿
怨曲啼妝長見淚 不會同心榮落易冷豔翻隨分嶺
水有誰曾念隴頭人遠寄江南春日意

又

靚妝才學春無價腮粉額黃官樣畫妖嬈閑倚曲闌邊
孤淨不勝微月下 牽情群藥臨風亞惜恐蒼苔和雨

借何如相傍玉樓人芳酒繡筵紅燭夜

又

蕭蕭海上風長起也有梅花開玉蘂愛君風措瑩如冰
伴我情懷清似水詩人縱復工難擬莫把開花容易
比濃香吹盡不須愁細雨微風催結子

又

李易安

紅酥肯放瓊苞碎探着南枝開遍未不知蘊藉幾多香
但見包藏無限意道人憔悴春窗底悶損闌干愁不
倚要來小酌便來休未必明朝風不起

又
蠟梅

臘前先報東君信清似龍涎香得潤黃輕不肯整齊開

比着紅梅仍舊韻

纖枝瘦綠天生嫩可惜輕寒摧挫

損劉郎只解悞桃花悵恨今年春又盡

小桃紅

今見珠玉詞

後園春早殘臘朦煙草數樹寒梅欲綻香英小妹無端
折盡釵頭朶滿把金尊細細傾憶得往年同伴沈吟
無限情惱東風莫便吹零落惜取芳菲眼下明

搗練子

欺萬木怯寒時倚欄初認月宮姬拭新妝披素衣孤標
韻暗香奇冰容玉豔綴瓊枝借陽和天付伊

喜團圓

輕攢碎玉玲瓏竹外脫去繁華帶東君先點破壓群花

瘦影生香黃昏月館清淺溪沙仙標淡竚偏宜么鳳
肯帶棲鴉

楊柳枝

晁無咎

素色清薰出俗華臘前花軒前愛日掃雲遮幾枝斜
月淡紗窗香 透白於紗幽人獨酌對芳葩興無涯

愁倚欄

冰肌玉骨精神不風塵昨夜窗前都折盡忽疑君 清
淚拂拂沾巾誰相念折贈芳春羌管休吹別塞曲有人
聽

梅苑卷第八終

梅苑卷第九

減字木蘭花

歐陽永叔

去年殘臘曾折梅花相對插入面而今空有花開無處
尋 天天不遠把酒拈花須發願願得和伊偎雪眠香
似舊時

又

庭梅初綻風遞幽香清更遠別有孤根不待陽和一點
思 雪中風韻皓質冰姿真瑩靜月下精神來到窗前
疑是君

又

前村夜半每爲江梅腸欲斷淺紫深紅惟信漫天雪裏

逢 醉頭扶起宿酒闌干猶困倚便莫催殘明日東風
為掃看

又

疎梅風韻不許遊蜂飛蝶近要識芳容除向瑤臺月下
逢 尊前一見換盡平生桃李眼却笑襄王楚夢無蹤
空斷腸

又

山城驛近又報寒梅傳驛信遠水孤村月下何人與斷
魂 幽芳在手花木無情那得瘦似此天真好贈東陽
姓沈人

又

張文潛

箇人風味只有江梅些子似每到開時滿眼清愁只自
知 霞裾仙珮姑射神仙風露態蜂蝶休忙不與春風
一點香

又

香肌清瘦淚濕輕紅踈雨後笑靨微開宿雨微醺越女
腮 多情無奈玉管休吹簾影外薄晚池臺惆悵繁華
夢裏來

又

東君有待留得一枝香雪在晚日融融只恐輕酥暖漸
鎔 歌催管送芳酒一尊誰與共寂寞牆東瀟灑黃昏
滿院風

又 蠟梅

鶯黃初吐無數蜂兒飛不去別有香風不與南枝鬪淺
紅 憑誰折取擬把玉人分付與碧玉搔頭淡淡霓裳
人倚樓

又

園林哀槁一品梅花開太早紫藥檀心獨占中央色似
金 幽香清遠對景開尊同賞翫雅稱仙姿莫是多情
染相思

臨江仙

曾夫人 子宣妻

庭院深深深深幾許雲窗霧閣春遲為誰憔悴損芳姿夜
來清夢好應是發南枝 玉瘦檀輕無限恨南樓羌管

休吹儂香吹盡有誰知暖風遲日也別到杏花肥

又

漏出春光三四朶冰肌玉骨偏宜作開應笑百花遲將
軍曾止渴畫角已先知 素豔不容蜂蝶採清香自有
人知而今雖被雪霜欺和羹終待手金鼎自逢時

又

隴首雲收天色暮寒光射月初開崑荆山玉莫疑猜琳
琅疑此地仙子不紅腮 麗質霜裾真性雅餘香暗送
人來亂將碎玉綴枝排雪中尋不見青萼辨奇才

又

葉少蘊

聞道今年春信早梅花不怕餘寒憑君先向近南看香

苞開也未莫待北枝殘 腸斷隴頭他日恨江南幾驛
征鞍一杯聊與盡餘歡風情何似有老去未應閑

又

不與群芳爭絕豔化工自許寒梅一枝臨晚照歌臺眼
明渾未見弦管莫驚催 記取劉郎歸去路他年應話
天台酒闌不惜更重陪夜寒衣袂薄猶有暗香回

又

成都西園

范夢龍

試問前村深雪裏小梅未放雲英陽和先到錦官城南
枝初破粉東閣有餘清 人在高樓橫怨管寄將隴客
新聲西園下晚看飛瓊春風催結子金鼎待調羹

又

昨夜新陽回候館芳菲正滿霜林此時珍重重千金誰
知紅粉豔還有歲寒心 風動霞衣香散漫酒醺丹臉
深沈妖嬈偏稱美人簪一枝無處贈折得自孤吟

又

愛日新添春一線化工先到寒梅不隨桃李傍熙臺前
村深雪裏昨夜一枝開 姑射仙人標格韻凝牆粉謝
香腮數家清弄笛聲哀愁人不怨聽自向枕邊來

又

玉貌香腮天賦與清姿不假鉛華素芳尋在五陵家欲
知春信息庾嶺一枝斜 別有玲瓏瀟灑處月梢淡影
籠遮休教羌笛一聲嗟宮妝猶未似留取意無涯

踏莎行

張尚書子功

陽復寒根氣回枯桿前村昨夜梅初綻誰言造化沒偏
頗半開何獨南枝暖 素豔幽輕清香遠散雪中豈恨
和羹晚不知何處誤東君至今不使春拘管

又

映竹幽妍臨池娟靚芳苞先暖香初娠南枝微弄雪精
神東君早寄春音信 奔月仙標乘煙遠韻玉臺粉點
和酥凝從來清瘦可禁寒為誰早把霞衣褪

又 正月十五日觀梅

景伴冰簷情回瑤草甫能定得春來到管曾獨自索春
憐而今覩着東風笑 粉凝酥寒雲房睡覺胭脂也不

添些少天真要與此花爭是伊占得春光早

又

枝綠初勻萼紅猶淺化工妝點年華晚暗香疎影水亭
邊黃昏月下依稀見 十二危樓誰人倚遍只愁羌笛
聲幽怨少留情意待春來東君准擬長拘管

又

萼破前村枝橫江路鐵心應也頻凝竚怕愁惟恐不禁
愁寧教雪月相分付 不測春來難追香去無人知我
心先誤多情總道是東君東君也有無情處

又

點點瓊酥初寒乍結看來未忍輕輕折園林正告久蕭

條春工着意饒先發 眼底不凡枝頭自別也知徹苦
宜霜雪這般風味恁馨香怎教桃李同節

又

王母池邊曾記舊識玉京仙苑新移得素娥青女好精
神比看終是無顏色 傳入漢宮偷擬妝飾壽陽空恁
勞心力寒香都不爲春來莫將遠寄春消息

又

趙温之

妖豔相偎清香交噴花王尤喜來親迎有如二女事唐
虞羣芳休更誇相竝 小雨資嬌輕風借潤天應知我
憐孤韻莫驚歲歲有雙葩儀真自古風流郡

又 蠟梅

毛澤氏

粟玉玲瓏壅酥浮動芳跗染得胭脂重風前蘭麝作香
寒枝頭煙雪和春凍 蜂翅初開蜜房香弄佳人寒睡
愁如夢鶯黃衫子茜羅裙風流不與江梅共

漁家傲

蕙死蘭枯籬菊槁返魂香入江南早竹外一枝斜更好
誰解道只今惟有東坡老 去歲花前人醉倒酒醒花
落嫌人掃人去不來春又到愁滿抱青山一帶連芳草

又

李易安

雪裏已知春信至寒梅點綴瓊枝膩香臉半開嬌旖旎
當庭際玉人浴出新妝洗 造化可能偏有意故教明
月玲瓏地共賞金尊沈綠蟻莫辭醉此花不與羣花比

又

毛澤氏

恰到小菴貪睡着不知風撼梅花落一點兒春吹去却
香約略黃蜂猶抱紅酥萼 遶徧寒枝添寂寞却穿行
逕隨孤鶴守定微官真箇錯從今莫從今莫負雲山約

又

雪點江梅纔可可梅心暗弄纖纖朶疑是月娥庭下過
仙翹鞦雲衫密綴真珠顆 玉笋金甌連臂坐芳辰莫
把離魂挫一曲繡筵嬌婀娜情無那陽關聲裏櫻桃破

又梅影

薛幾聖

雪月照梅溪畔路幽姿背立無言語冷浸瘦枝清淺處
香時度妝成處士橫斜句 渾似玉人常淡竚菱花相

對成清楚誰解小圖先畫取天欲曙恐隨月色雲間去

胡擣練

小春花信雪中來隴上小梅先折今歲東君消息還自
南枝得 素衣洗盡九天香玉酒添成國色一自故園
疎隔腸斷長相憶

又

小亭初破一枝梅惹起江南歸興遙想玉溪風景水漾
橫斜影 異香直到醉鄉中醉後還因香醒好是玉容
相竝人與花爭瑩

又

夜來江上見寒梅自逞芳妍標格為甚東風先拆分付

春消息 美人釵上玉尊前
朶朶濃香堪惜誰把彩毫
描得免恁輕拋擲

定風波

好睡慵開莫厭遲自憐冰臉不宜時
偶作小紅桃杏色 閑雅尚餘孤瘦雪霜姿
休把閑心隨物態何事酒生
微暈沁瑤肌詩老不知梅格在吟咏
更看綠葉與青枝

又

又是春歸煙雨村一枝香雪度黃昏
竹外雲低疎影亞 瀟灑水清沙淺見天真
瘦玉欺寒香不暖堪羨冰姿
照夜月無痕樓上笛聲休取取說與江南人
遠易銷魂

又

一樹寒梅傍小溪夜來陡覺綻南枝
冷豔冰姿金蕊淺 堪羨凝明因與雪霜期
折贈美人臨寶鑑雲臉鬢邊
斜插最相宜憑仗高樓頻祝付說與馬融羌管且停吹

鵲踏枝

南國寒輕山自碧庭際梅花先報春消息
綺萼玉英何 忍摘真堪樹下陳瑤席
旋嗅清香消酒力翦採無功
粉筆爭描得一曲新歡須共惜等閑零落隨羌笛

又

斜日平山寒已薄雪過松梢猶有殘英落
晚色際天天 似幕一尊先與東風約
邀得紅梅同宴樂酒面融春
春滿纖纖萼客意爲伊渾忘却歸船且傍花陰泊

又

故里山遥春靄碧為想繁枝清夢何曾息縲帶霜英人不摘紛紛日暮飄網席休抱離腸憑酒力只有輕紈依約應傳得白髮未歸空自惜柔腸寄盡平陽笛

清平樂

李易安

年年雪裏常插梅花醉按盡梅花無好意贏得滿衣清淚今年海角天涯蕭蕭兩鬢生華看取晚來風勢故應難看梅花

又

寒溪過雪梅蕊春前發照影弄姿香冉冉臨水一枝風月夢遊鬢髯仙鄉綠窗曾見幽芳事往無人共說愁

聞玉笛聲長

春光好

看看臘盡春回消息到江南早梅昨夜前村深雪裏一朶花開盈盈玉蕊如裁更風細清香暗來空使行人腸欲斷駐馬裴回

帶人嬌

後亭梅花
開有感

玉瘦香濃檀深雪散今年恨探梅較晚江樓楚館雲閑水遠清晝永凭闌翠簾低捲坐上客來尊中酒滿歌聲共水流雲斷南枝可插便須頻翦莫直待西樓數聲羌管

二色宮桃

鏤玉香苞酥點萼正萬木園林蕭索惟有一枝雪裏開
江南有信憑誰托 前年記賞登高閣歎年來舊歡如
昨聽取樂天一句云花開處且須行樂

河傳

香苞素質天賦與傾城標格應是曉來暗傳東君消息
把孤芳回暖律 壽陽粉面增妝飾說與高樓休更吹
羌笛花下醉賞留取時倚闌干鬪清香添酒力

七娘子

清香浮動到黃昏向水邊踈影梅開盡溪邊畔清蘂有
如淺杏一枝喜得東君信 風吹只怕霜侵損更新來
插向多情鬢壽陽妝鑑雪肌玉瑩嶺頭別微添粉

憶少年

踈疎整整斜斜淡淡盈盈脈脈徒憐暗香句笑梨花顏
色 羈馬蕭蕭行又急空回首水寒沙白天涯倦牢落
忍一聲羌笛

烏夜啼

權無染

洗淨鉛華污玉顏自發輕紅無言雪月黃昏後別是箇
丰容 骨瘦難禁消瘦香蒙不竝芳穠與君高却花眼
紅紫謾春風

浪淘沙

春色入橫塘變盡淒涼青梢弄粉雪溪傍疑是化工偏
着意欲試新妝 玉蓓鎖春藏占斷寒芳他時鼎鼐不

須忙洩漏清香方有思別是春光

又

雪裏暗香濃乍吐瓊英橫斜疎影月明中學傅胭脂桃
與杏虛廢春工 素豔有誰同不竝妖紅應如褒姒笑
時容絕勝梨花春帶雨旖旎春風

又

村左小溪傍粉黛宜芳寒添瀟灑冷添霜清瘦幾枝堪
入畫竹映苔牆 疎影浸橫塘月暗浮香當時曾伴壽
陽妝不似東君先倚檻洩漏春光

又楊梅

王逐客

素手水晶盤壘起仙丸紅綃翦碎却成團逗得安排金

粟遍何似雞冠 味勝玉漿寒只被宜酸莫將荔子一
般看色淡香消儻憊損才到長安

梅苑卷第九終

棟京藏本丙戌九月
重刻于揚州博覽

梅苑卷第十

點絳脣

洪覺範

沙水冷冷斷橋斜路梅枝亞雪花初下全似江南畫
白壁青錢欲買應無價歸來也風吹平野一點香隨馬

又

破萼江梅迥然標格冰肌瑩暗香疎影月張銀塘靜
折取一枝與插多情鬢臨鸞鏡粉容相竝試問誰端正

又

煙淡黃昏小移疎影橫斜去暗香微度點綴梢頭雨
玉管休吹更要留春住人何處對花無語望斷江南路

又

點點江梅向疎籬處香風逗未容春透花亦知人瘦
姑射山頭誰伴黃昏後君知否自然孤秀橫玉休三奏

又題雪中梅

寶月

春遇瑤池長空飛下殘英片素光圍練寒透笙歌院
莫把壽陽妝信傳書箭掩香面漢宮尋遍月裏還相見

又

雪裏芳叢嶺頭還報東君信壽陽妝靚姑射冰肌瑩
曲岸橫斜清淺波相應風不定暗香疎影占斷花中韻

又

萬木凋殘早梅獨占孤根暖前村雪滿昨夜南枝綻
堪恨倚欄容易吹羌管飄瓊片翠蛾爭選貼向桃花面

又

昨夜寒梅一枝雪裏多風措幽香無數不與羣花語
最是凝情月夜交光處誰爲主待須折取羌管休輕舉

又

春日芳心暗香偏向黃昏逗玉肌寒透抵死添清瘦
影落橫塘月淡人歸後君知否一枝先秀應向東君奏

又

賦雪歸來綠窗一夜霜風緊也知春信消息南枝近
隱映斜陽玉暖香成陣西湖景繁英有恨只

虞美人

清江一曲君應見昨夜潮頭淺不爭落落鬪奇奇看取

水邊寒藥雪邊枝 日斜疎影還欹倒沙上嬌鵲老只
今何處有新詩好在小春十月醉翁辭

醉落魄

瓊搓粉滴南枝只報江南拆橫斜疎影溪邊窄翦碎白
雲分付隴頭客 冰肌綽約疑姑射鉛華消盡見真色
不隨桃李開紅白我爲東君來報春消息

又賞梅

梅花似雪賞花記得同懽悅更闌猶自貪攀折不怯春
寒酒要待明月 如今月上花爭發疎枝冷藥對離缺
人心只道花爭別不道人心不似舊時節

更漏子

寶香餅桐葉卷蕩水痕微還鄉思遠信覺春遲野梅初
見時 上潮風臨晚渡人欲過西江去吹塞管隴雲低
江南花未知

又

絳紗籠金葉蓋向曉燈花猶在冰未結小琉璃隴梅香
滿枝 雪無香花有意不是江南新寄霜月淨碧天寒
玉樓人倚闌

落梅風

宮煙如水温芳晨梅似雪相親數枝春惹香塵 壽陽
嬌面偏憐惜妝成一面花新鏡中重把玉纖勻酒初醺

古記

一枕慳慳春困記得小梅風韻何處最關情嫩蕊初傳
芳信堪恨堪恨誰傍橫斜疎影

又

臘半雪梅初綻玉屑瓊英碎翦素豔與清香別有風流
堪羨苞嫩蕊嫩羞破壽陽人面

又

疑是水晶宮殿雲女天仙寶宴吟賞欲黃昏風送一聲
羌管煙淡霜淡月在畫樓西畔

少年遊

李景先

江國陸郎封寄後獨自冠羣芳折時雪裏帶時香燈下
面訝爭光而今不怕吹羌管一任更繁霜玳筵賞處

玉纖整後猶勝嶺頭香

又

楊大年

江南節物水昏雲淡飛雪滿前村千尋翠嶺一枝芳豔
迢遞寄歸人壽陽妝罷冰姿玉態的的寫天真等閑
風雨又紛紛更忍向笛中聞

生查子

青帝曉來風偏傍梅梢緊未放玉肌開已覺龍香噴
此意比佳人爭奈非朱粉惟有許飛瓊風味依稀近

又

朔風吹凍雲雲破天容碧新月過溪來隱見橫雲色
天與水爭妍花與月爭白一倩管城君寄此春消息

梅苑卷第十

梅苑卷第十終

棟原藏本丙戌九月
重刻于揚州博覽



